

Klimawandel

Omm letzde Sunndaach hadd misch de Hubert oogerufe unn omm Moondaach habb ich dess emm Schorsch omm Telefon verzählt.

Ah, de Hubert, hott de Schorsch gesaad, was mächder donn su?

No ja, saach isch, er hotts halt mett soine Aache unn dessdeweese fährt er nor noch in soim Städtche erum ferrs Oikaafe. Nooch Flerschem missderr meddem Zuuch fahrn, dess willer awwer nitt. Die Fraa unn isch, mir kumme aach nimmi doo enuff in de Norde unn doo misse merr halt ab unn zu telefoniern.

Moont de Schorsch: Ja, ja dess Audofahrn. Mir Alde sinn halt fruh, wenn merr noch Oikaafe fahrn kenne unn ab unn zu bein Dokder. Was hoddern sunnst noch gesaad?

Isch gebb ze Antwort: Mir haddes vumm Klimawandel. Hannes, hott de Hubert wie immer uff Hochdeitsch gesaad, Hannes, die reden alle davon, den Klimawandel noch aufhalten oder begrenzen zu können, dabei ist er schon lange da und es wäre an der Zeit darüber nachzudenken, was gemacht werden muss, um die Hitze von Mensch und Tier fernzuhalten. Weißt du, Hannes, Deutschland ist viel zu klein, um den Wandel aufzuhalten, aber groß und stark genug der Welt zu zeigen, wie Hitzeschäden und Hitzetod von uns Menschen abgewendet werden können. Und das geschieht nicht durch weniger Straßen und mehr Fahrräder, sondern durch aktives Bauen mit windfesten Dächern in Wabenbauweise über alle Häuser, Straßen und Plätze hinweg, die Wärme schlucken und zu Kühlenergie umwandeln, durch essbare Pflanzen darunter und an den Hauswänden und das überall in den großen Städten und auch in kleinen wie Flörsheim.

Isch bin gons baff gewese: Wo hosden dess gelese? Isch deets gern emol noochlese.

Doo seeder: Das habe ich nicht gelesen, das ist ... das ist ...

Uff doim Mist gewachse?, habb isch de Hubert unnerbroche.

Ja, gibtderr ze Antwort, ja, das habe ich mir ausgedacht, und jetzt denk du, Hannes auch einmal darüber nach. Unn dess, lieber Schorsch, werr isch aach mache.

Ja, de Klimawandel, seet de Schorsch, der iss werklich schunn oigetrede unn nitt nor uff de Welt, naa, aach schunn dehoom.

Dehoom?, frooch isch, wie moonsden dess, Schorsch?

De Schorsch seet: Dehoom, dess heeßt, dass sisch aach dess Klima bei uns alde Eheleit wie in de Bolidik unn in de Vereine geännerd hott. Dort, wo frieher die Männer ebbes ze saache hadde, dun jetz die Fraue de Ton oogewwe.

Unn dess iss bei eisch dehoom aach su?, frooch isch.

Doo seeder: Genau su. Isch due dess joo aach verstieh. Unser Fraue hawwe halt schunn immer de Haushalt gemacht unn jetz, wo se aach nimmi su alles mache kenne, sponne se uns halt oi.

No ja, saach isch, wie isch immer saache due, mir zwaa, die Fraa unn isch, mir sinn e Tiem, doo mächt jeder dess, wasser omm bessde mache kann.

De Schorsch druff: Dess iss aach bei uns su, awwer moi Kättche hott sisch halt enn onnern Ton oogewehnd, sie schennt lauter wie sunnst unn dess gefällt merr halt nitt.

Isch habb ins Telefon gegriinsd. Dess konnsde ännern, Schorsch.

Doo frächderr: Ei wie donn, Honnes?

Jetz habb isch gelachd. Machs wie isch unn setz immer doi Heergeräte uff.

Eiern Honnes